


KRISTE WA GO TSEBAGATŠWA WA MABAKA OHLE

 Mangwalo a se makae mo a ke nyakago go šupa go wona bošegong bjo. Ke be ke nagana ka thuto ya se re lego mo bakeng sa sona. Ke rata go bala bakeng sa karolo ya Lengwalo, mo ke dumelgo gore tšohle, kopano ye nngwe le ye nngwe, e swanetše go ba le Lentšu la Modimo le balwe ka go yona. Gobane, ke a tseba A ka kgona go kopana le rena ntle le go bala Lentšu, eupša ke boifa kudu gore ke tla dira phošo. Kafao ge ke bala Lentšu la Gagwe, ke a tseba ga go phošo ka go Leo. Kafao ke—ke bala Lentšu la Gagwe, ka gona ke a tseba gore se sengwe se tla tla go tšwa kopanong, ka baka la go balwa ga Lentšu la Gagwe.

² Gomme kagona, go theeng mogopolo wa rena godimo ga Lengwalo le re tla le balago, lefelo le tee le hwetšwa ka go Mokgethwa Johane, tema ya 10, go thoma ka temana ya 32 le 39, go akaretša; ka gona ka go sehlogo sa kgale sa go tlwaelega, Bahebere 13:8. Bjale ka go Mokgethwa Johane, tema ya 10, go thoma ka temana ya 32, re bala se.

Gomme Jesu a ba araba, Ye mentši mediro Ke le laeditše go tšwa go Tate wa ka; ke efe ya mediro ye le nkgatlago ka matlapa bakeng sa yona?

Bajuda ba mo arabile, ba re, Ga re go kgatle ka matlapa bakeng sa modiro wo mobotse; eupša bakeng sa maroga; le ka gobane...wena, o le motho, o itira Modimo.

Jesu a ba fetola, A ga se gwa ngwalwa ka molaong wa lena, Ke rile, Lena le badimo?

Ge a ba beditše badimo, ba lentšu la Modimo le tlilego go bona, gomme mangwalo ga a kgone go robiwa;

Le re ka yena, yo Tate a mo hlwekišitšego, le go mo romela ka lefaseng, Wena o a rogana; gobane Ke rile, Ke nna Morwa wa Modimo?

Ge Ke sa dire mediro ya Tate wa ka, se ntumeleng.

Eupša ge Ke dira, le ge le sa ntumele, dumelang mediro: gore le ke le tsebe, le go dumela, gore Tate o ka go nna, gomme Nna ke ka go yena.

Kagona ba nyakile gape go mo tšea: eupša o phonyokgile go tšwa diatleng tša bona,

³ Gomme ka go Bahebere, tema ya 13 le temana ya 8.

Jesu Kriste wa go swana maabane . . . go lehono, le go ya go ile.

4 A re rapeleng. Tate wa Magodimo, hlwekiša motseta bošegong bjo, Morena, go ya go Molaetša, le mokwi wa Lentšu, ka gore re e kgopela ka Leina la Jesu. Amene.

5 Bjale ge re batamela sehlogo se, sehlogo se sennyane feela sa fomale bakeng sa bošego bja mathomo, go tlwaela, ke nyaka go tšea sehlogo, ke . . . *Kriste Wa Go Tsebagatšwa Wa Mabaka Ohle.*

6 Bjale Puku ya Bahebere mo e a re botša gore O a swana maabane, lehono, le go ya go ile.

7 Gomme re bala ka Beibeleng mo gore Bajuda ba ba be ba Mmotšiša. Re hwetša Bagerika ba ile ba Mmotšiša. Gomme e be e le potšišo ya motšhaotšhele. E be e le ka gobane batho ba bantši kudu ba na le ditlhathollo tše ntši tša go fapana ka Yena.

8 Ga go yo a kilego a kwa ka Yena eupša yo a bego a Mo hlologetše. Ke na le nnete gore ge nka kgona go botšiša bošegong bjo, “Ke ba bakae ba lena ba ka ratago go bona Jesu?” seatla se sengwe le se sengwe se tla ya godimo. Ga go—ga go motho yo a kilego a kwa ka Yena eupša ba ba nyakago go Mmona.

9 Go ne se sengwe ebile ka Leina la Gagwe, seo se nogo . . . le no re gokagoketša. Go ne se sengwe ka lona se tsikinyago pelo ya rena, go no kwa Leina lela, Jesu. Gobane, ka go Leina lela re na le tabalelo ya sebe, re na le topollo ya rena, ka gore lapa ka moka Legodimong le tla rwa . . . rwala Leina lela. Gomme kafao re . . . Modimo o tšere Leina le la motho go bewa godimo ga Gagwemong ge A be a bonagatšwa ka nameng. A Leina la go makatša!

10 Bjale re—re nagana Yena ka go beng yo mogolo kudu! Gomme go theoga go kgabola mabaka, motho yohle o lletše go bona Modimo. Bjale bothata bja yona, ge e sa le nako ya Jobo . . .

11 Ke a nagana Jobo e tšewa go ba ye nngwe ya Dipuku tša kgalekgale tša Beibele. E nno bewa ka gare. E ngwadilwe nako ya Moshe, Moshe o ngwadile di—di dipuku tše nne tša mathomo.

12 Bjale re a dumela gore—gore Jobo, ka kua, o goleditše ntle nako ye nngwe, “Ge nka kgona go no Mmona! Ge nka no tseba mo nka kgonago go ya ntlong ya Gagwe! Ke tla rata go,” ka mantšu a mangwe, “kokota lebating la Gagwe.”

13 Bohle re a tseba gore re tšwa felotsoko. Re ka morago ga seširo seo re . . . Go na le se sengwe ka go rena se obeletša se sengwe ntle, gore re tseba gore re tšwa felotsoko. Re ka se kgone go no ba boka re ntle le go ba se sengwe ka morago ga rena go re dira.

14 Sešupanako sa ka se ka se kgone go no ba se diregile. Mang kapa mang ka monagano wa bona wa maleba o tla tseba sešupanako sela, mabjebhlokwa, le go bea nako, le melawana,

le dispring, le—le diatla, e no se kgone go be e diregile. Ga go kgonege go sona go direga.

¹⁵ Lebelelela tlhala ka moka ga yona, ka mo e beakantšwego mmogo. Re a tseba e be e se ya swanela go be e diregile. Motho ke yo mokae bogologolo go feta sešupanako! Motho o hlamilile sešupanako, gomme a se bea nakong, gomme a se bea mmogo. Kafao ge go sa kgonege go sešupanako sela go no direga, ke gagologolo gakaakang gore wena le nna go nno direga re be mo? Go swanetše go ba mohlodi morago ga rena. Ge re šetše tlhola ye kgolo ya Gagwe, ka mo e sepelago, le ka mo A phelago ka go yona, phela ka go yona.

¹⁶ Re hlokomela letlakala, ka fao letlakala le lekelelago godimo ga mohlare. Gomme e ka ba tikologong ya Agostose, ntle le lehlwa goba e ka ba eng, bophelo bo a le tlogela gomme bo ya thwi fase ka modung. Letlakala le a wa le go ya thwi fase godimo ga mobu. Bjale bothata ke eng? Go ne Bohlale tsoko bjo bo bolelago le wona. Mohlare ga o ne bohlale bja wona mong. Kafao bophelo bo ya fase ka modung wa mohlare, go ikuta go tšwa go bosobja go tonya. Ge bo . . . Ge bo ka dula godimo kua, o tla hwa, marega a tla o bolaya.

¹⁷ Bjale letlakala le dira eng? Le robala godimo ga mobu le go bola. Bophelo bo dira eng ge bo sa le ka modung? Bo goga dibagona go tšwa go letlakala la go hwa, khalisiamo le eng kapa eng e yago ka go wona, le go tsoga gape ka seruthwane, le go tla thwi morago go lefelo la lona gape, go tliša letlakala le lengwe. Ke bopaki; lehu, poloko le tsogo.

¹⁸ Letšatši le hlaba mosong, boka lesea le lennyane le tswalwa. Iri ya seswai goba ya senyane le ka sekolong. Iri ya lesome go tšwa sekolong. Iri ya lesometee le ka go mengwaga ya lona ya magareng. Gomme ka gona le thoma go hwa, le hwa gape le go dikela ka Bodikela. A ke tšohle ka lona? Le hlaba gape mosong wa go latela, go paka; bophelo, lehu, poloko, tsogo. Se sengwe le se sengwe, tšohle, Modimo o phela ka go tlhola ya Gagwe. O dira seo gomme o se dirile go kgabola mabaka ohle.

¹⁹ Bjale, tsela e nnoši ye re ka hwetšago ge eba Modimo o sa ntše a phela. Re ka kgona go Mmona ka go tlhola ya Gagwe, eupša Modimo o kile a ipealatša bjang Yenamong go batho bao . . .

²⁰ Yo mongwe o re, “Gabotse, Modimo o kae? O bolela kudu ka Yena.”

²¹ Ka Afrika, ka mašomong a thomo kua, le magareng ga ma—ma Mafrika, ba šomiša lentšu *amoyah*, go rago, “maatla a go se bonwe,” bjalo ka phefo. “Modimo wa gago,” o re, “Modimo wa go se bonwe, O—O bjalo ka phefo. Yena ke maatla, eupša rena—rena ga re Mmone.”

²² Gabotse, ke a dumela gore re ka kgona go Mmona. Gobane, re a hwetša ka go tema ya 12 ya Mokgethwa Johane, bangwe Bagerika ba tlile go bona Jesu, gomme ba rile, “Bahlomphegi,

re rata go bona Jesu,” gomme ba ile ba tšeelwa go Yena, ke yo mongwe wa barutiwa ba Gagwe. Gomme Bahebere 13:8 e rile, “O a swana maabane, lehono, le go ya go ile.” Gomme ge A ka tšeelwa ka gare ka go wona matšatši, go bonwa ke yo mongwe wa barutiwa ba Gagwe, gobane re ka se kgone rena ba barutiwa ba Gagwe, bošegong bjo, go tliša banyaki go Bogona bja Gagwe, ge A swana maabane, lehono, le go ya go ile? Beibele e rile ka Yena, “O a swana maabane, lehono, le go ya go ile.”

²³ Bjale, ke a tseba se se kwala bošaedi. Eupša ge le ka no re kgotlelela metsotso e se mekae, ke a dumela gore ke, ka thušo ya Modimo, ka Lentšu la Gagwe le go ya ka Lentšu la Gagwe, nka kgona go Mo tliša thwi fa pele ga lena. Gomme ka gona, gore, a khomotošo! Seo ke se re lego ka sona mo. Rena Bakriste re mo go hwetša khomotošo, go—go tliša, go tla ka go Bogona bja Modimo yoo tsebago, gore a ka kgona go re tsoša boka A dira letlakala, go kgona go re tliša morago.

²⁴ A e no ba nonwane, a e no ba mantšu a beilwe mmogo, a ke dinonwane tsoko tša Bajuda, goba a ke Therešo? Mo go lego phošo ye ntši bjalo, go swanetše go ba le Therešo felotsoko. Mo go lego tolara ya bofora, ke tla re go ne ya kgonthe e dirilwe go tšwa go yona. Gomme mo go lego kekišo ye ntši kudu, le dilo tše ntši bjalo tšeo re di bonago lehono, go swanetše go ba Modimo wa mmapale felotsoko.

²⁵ Bjale ge re sa Mo direle, gona a re tlogeng go selo se re se dirago gomme re ye go Mo direla. Gobane, morago ga tšohle, ke botse bofe ka boipolelo bja rena ge go se selo go bjona? Gomme tlhokofalo ya rena ga e re—ga e re rake go tloga kahlolong. Bahetene ba hlokošetše. Batho ba nwa asiti ya carbolic dinako tše dingwe, ka tlhokofalo, ba nagana ba tšea se sengwe gape. Tlhokofalo ga e se dire. E swanetše go ba tsela ye e lokilego, le tsela ye e fošagetšego.

²⁶ Ke a dumela gore Beibele e a rereša. Ke a dumela gore Lentšu la Modimo le a rereša. Bjale Modimo o swanetše go ahlola. [Ngwanešu Branham o dira sehuba tšwa mogolong—Mor.] Ntshwareleng. O swanetše go ahlola lefase ka se sengwe.

²⁷ Bjale ge ke be ke le mošemane yo monnyane, lapa la ka pele ga ka, e sego tate le mme wa ka, eupša pele ga fao, re be re le Mairish ka mešo go fela, kafao, re, e be e le Katoliki gomme e be e no ba tlhago go nna go retologela go kereke ya Katoliki. Gabotse, tate le mme wa ka ba nyalane go tšwa go kereke, gomme ba be ba sa ye kerekeng. Gomme ka gona ge ke gola, go tseba gore go be go le Modimo, bjalo ka ge ba bantši ba lena le badile puku ya ka, ke—ke tsebile go be go le Modimo felotsoko.

²⁸ Eupša bjale, kgopolo ya yona ke, ge Modimo a eya go ahlola lefase ka kereke, gona e ya go ba kereke efe? Ge e eya go ba kereke ya Katoliki, gona kereke ya Katoliki efe? Ya Roma, Orthodox, goba ke efe A yago go le ahlola ka yona? Ge a eya go

le ahlola ka Protestant, a ke ka Methodist, Baptist, Pentecostal, Presbyterian? Ke efe? Le a bona, go na le tlhakahlakano ye ntši kudu.

²⁹ Kafao mothaka o tla re, “Gabotse, e no ba . . .” Oo, ee, e a dira. “Ga go tshwenye, ge feela o hloketšše.”

³⁰ Puku ya mathomo ka Beibeleng, ke eng e hlotšego lehu, bolwetši, manyami, le sebe, e bile gobane motho o tee ga se a dumela Lentšu le tee. Ka Pukung ya mafelelo ya Beibele, Modimo wa go swana, ka go Kutollo 22, o rile, “Mang kapa mang a ka ntšhago Lentšu le tee, goba a oketša Lentšu le tee go Yona, karolo ya gagwe e tla tšewa go tšwa Pukung ya Bophelo.” Kafao yeo e swanetše go ba Puku ya Kahlolo.

³¹ Bjale re a hwetša, gore, “Mathomong,” Mokgethwa Johane 1, “mathomong go be go le Lentšu, gomme Lentšu le be le le go Modimo, gomme Lentšu le be le le Modimo. Gomme Lentšu la dirwa nama gomme la dula magareng ga rena. Re Mmogotše, morwamotswalwanoši wa Tate, gore Lentšu Lonamong, Modimo, le dirilwe nama le go dula magareng ga rena.”

³² Bahebere 13:8 e re, “O a swana maabane, lehono, le go ya go ile.” Gona ge A swana, gomme ke Lentšu, gona Lentšu le ipegile bjang Lonamong go kgabola mabaka ohle a mangwe? Le tla swanela go itira Lonamong tsela ya go swana lehono, go ba Jesu Kriste wa go swana maabane, lehono, le go ya go ile. Seo ga se fete Therešo. Yena ke Lentšu; gomme kae, kafao Lentšu le begilwego ka go mabaka ohle a mangwe. Modimo ga a fetoge Yenamong. Maleaki 1 goba . . . Maleaki 3:6 e re ga A dire. “Ke nna Modimo, ga Ke fetoge.”

³³ Kafao tlwa tsela ye A bego a le mathomong, O bjalo lehono. Gomme O be a le Lentšu, go morafe wa batho, mo mathomong. Modimo ga se a tsoge a fa morafe wa batho kereke go ema morago ga yona, ga se a tsoge a ba fa thutotumelo go ema morago ga yona. O šireleditše batho ka Lentšu la Gagwe, “Dumelang Lentšu le gomme le phele!” Ke selo sa go swana lehono. Gomme Kriste ke Lentšu leo, “Mathomong go be go le Lentšu, Lentšu le be le le go Modimo, gomme Lentšu le be le le Modimo. Gomme Lentšu le bile nama le go dula magareng ga rena.” Bjale, se A bego a le sona ka go mabaka a mangwe, gona O swanetše go swana lehono, ge A dula a swana maabane, lehono, le go ya go ile. Yeo, ke a nagana ke e hloositše go tsenelela gore ke Jesu Kriste wa go swana maabane, lehono, le go ya go ile, gomme Yena ke Lentšu.

³⁴ Bjale, Jesu o rile, “Mangwalo a ka se kgone go robja.” Mangwalo a be a rereša. Gomme Lengwalo le re, ka go Mokgethwa Johane 1, gore, “Lentšu le dirilwe nama, le go dula magareng ga rena.” Modimo o bile nama, ka go Morwa wa Gagwe, Jesu Kriste, le go dula magareng ga rena. Ka go Mokgethwa Johane 10:35, Jesu o biditše bao A tlliego go bona, e

bego e le Lentšu mathomong, “baprofeta.” Jesu o rile mo, “Molao wa lena beng o le ruta seo, bao Lentšu la Modimo le tlilego go bona, gomme Lentšu la Modimo le tlile go baprofeta.”

³⁵ Bjale Bahebere, tema ya 1, e bolela seo ka go... e rile, “Modimo, dinako tša kgale,” gomme tšeo ke dinako tša kgale, “o boletše le botate ka mekgwa ya go fapana, ka baprofeta; ka go letšatši le la mafelelo ka Morwa wa Gagwe, Jesu Kriste.” Le a bona?

³⁶ Bjale, hlokomelang bjale, Modimo! Jesu o boletše gore, “Bao Lentšu le tlilego go bona, ba be ba bitšwa ‘badimo,’” e be e le baprofeta. Bjale, e sego motho yenamong e be e le Modimo, go se fete gore mmele wa Jesu Kriste e be e le Modimo. O be a le motho, gomme Modimo o be a širilwe ka morago ga Gagwe.

³⁷ Modimo ka mehla o itšhirile Yenamong go tloga go setšhaba, gomme o ikutolla Yenamong go batho ba ba tla e dumelago. Modimo! Lamorena le la go feta, ka tabarenekeleng, ke rerile ka *Go Apolwa Ga Modimo*. Modimo ka mehla o itšhirile Yenamong ka morago ga se sengwe, gore batho ba lefase la ka ntle ba ka se tsebe selo ka Yena. Eupša O ikutolla Yenamong go bana ba Gagwe le go bao ba ratago go tla ka morago ga seširo sela.

³⁸ Ka go Testamente ya Kgale go be go le matlalo a kgoogo ao a bego a utile Modimo. O be a le ka go Letago la Shekinah. E be e le ka morago ga matlalo a kgoogo. Pele ba etla ka morago ga matlalo a kgoogo, ba . . .

³⁹ Lentšu le be le le ka go Moshe, moprofeta. O ile godimo ga thaba. O ile a kopana le Pilara ya Mollo, gomme E boletše le yena. O ile tlase gomme o dirile maswao a moprofeta, a ntšha bana ba Israele ka Egepeta, go ya thabeng ye. Gomme ka gona Modimo o tlile fase le go tsebagatša Moshe, ka go mo tliša ka go Pilara yela ya Mollo, le go Mo šira. Ga go yo mongwe gape a bego a kgona go ya. Ga go motho e ka ba mang a bego a ka leka go ekiša seo, o be a ka se kgone go e dira, ba hwile. O tšere monna yo motee, o ile ka gare ka morago mo, ka go Pilara ya Mollo, ka go Letago la Modimo, le ka go Letago la Shekinah; gomme ge a tlile ntle ka Lentšu lela la lebaka lela, o be a phadima ka Letago la Modimo go fihla a ile a swanela go šira sefahlego sa gagwe. Batho ba be ba sa kgone go mo tsepelela. Gomme seo e be e le seširo sa tlhago.

⁴⁰ Ke eng? Ge motho a thuba go kgabola seširo sela, go ya ka go Letago la Shekinah bjale, lefase le mmitša lehlanya. Ga ba kgone go bona phošo ke eng. Eupša ka morago ka kua, ga go bobotse bja gagwe. A ka no se bitše mantšu a gagwe gabotse. A— a ka no se apare gabotse. A ka no se apare diaparo tša baruti. A ka no se apare ka tsela ye ba naganago o swanetše go dira. Go ka no ba, eupša, le a bona, ka gare, ka morago ga letlalo lela la kgoogo, ka morago ga letlalo lela la motho, ka kua ke Letago la Shekinah, ka kua ke maatla, ka kua ke Lentšu, ka kua ke borotho bja bogona.

Gomme Letago la Shekinah, e lego Seetša, se se dira Seetša se se bukušago leroro.

41 Lena batho ba Kansas le tseba seo, ka mabele a korong a lena. Ntle le letšatši lela, le ka se bonege.

42 Gomme go fihla o etla ka gare ka morago ga letlalo lela la kgoogo, go fihla o tšwela ka ntle ga letlalo la gago la kgale, megopolo ya gago ya kgale, dithutotumelo tša gago tša kgale, le go tla Bogoneng bja Modimo; gona Lentšu le ba kgonthe ya go phela go wena, gona o tsošetšwa go Letago la Shekinah, nako yeo Beibele e ba Puku ye mpsha, nako yeo Jesu Kriste o a swana maabane, lehono, le go ya go ile. O phela ka Bogoneng bja Gagwe, o ja borotho bja bogona bjo bo filwego feela letšatši leo bakeng sa badumedi, baprista ba nnoši. “Gomme re baprista, boprista bja bogoši, setšhaba se sekgethwa, batho ba go se tlwaelege, ba go neela dihlabelo go Modimo.” Eupša o swanetše go tla ka gare, ka morago ga seširo, go bona Modimo yo a apotšwego. Gomme Modimo yo a apotšwego, leo ke Lentšu la Gagwe le dirilwe go bonagala.

43 Bjale lehono re na le batho ba bantši kudu ba re, “Gabotse, rena, bjalo ka *semangmang*, re Le dumela ka tsela *ye*.” Sehlopha se sengwe se re, “Rena, bjalo ka *semangmang*, re Le dumela ka tsela *ye*.” Le a bona, o hwetša ditlhathollo tše dintši kudu!

44 Modimo ga a hloke mohlatholli le ge e ka ba mang. O hlatholla Lentšu la Gagwe Mong. Beibele e re, “Ga se tlhathollo ya sephiri.” Modimo o a utolla, Yenamong. O a dira! Mathomong, O rile, “A go be seetša,” gomme go bile seetša. Seo ga se hloke tlhathollo e ka ba efe. Modimo o rile, “Kgarebe e tla ima,” o dirile. Seo ga se hloke tlhathollo e ka ba efe. Modimo o rile, “Ka matšatšing a mafelelo,” O tla “tšhollela ntle” wa Gagwe “Moya godimo ga nama yohle,” gomme O dirile. Seo ga se hloke tlhathollo e ka ba efe.

45 E sa le Lentšu! Lentšu ke Modimo. Modimo, ka go lebaka le lengwe le le lengwe, o abetše bontši bjo bokaalo bja Lentšu la Gagwe. Gomme ka kua, šetšang se A se dirilego, O romile mo—mo moprofeta. “Gomme Lentšu la Morena le tla go moporofeta.” Moprofeta o Le utolla go batheeletši, gomme batheeletši ba a Le dumela. Gomme, nako yeo, ke Modimo mo tirong, Modimo a sepela ka Moya wa Gagwe.

46 Bjale re a hwetša O itsebagaditše Yenamong bjalo ka Morwa wa motho mo, bjale, go phethagatša. Bjale, ge A tlile lefaseng, elelwang, O itsebagaditše Yenamong go setšhaba, ka ntle, O itsebagaditše Yenamong bjalo ka Morwa wa motho. O tlile ka maina a mararo a morwa; O tlile bjalo ka Morwa wa motho, Morwa wa Modimo, Morwa wa Dafida. Bjale, *Morwa wa motho* ke “moprofeta.” Ebile Jehofa Yenamong o beditše Hesechiele, o rile, “Morwa wa motho.” Jehofa, a bolela le motho, moprofeta, o mmiditše, “Morwa wa motho.” Gomme Jesu o itsebagaditše

Yenamong bjalo ka Morwa wa motho, gobane Mangwalo a ka se kgone go robja.

Ka go Doiteronomio 18:15, Moshe o rile, ka morago . . .

47 Bana ba Israele ba rile, “Se lese Modimo a bolela gape. Re nyaka Moshe a bolele le rena.”

48 O rile, “Nka se sa bolela le bona ka mokgwa wo, eupša Ke tla ba romela Moprofeta.”

49 Ka go Doiteronomia 18:15, o rile, “Morena Modimo wa lena o tla tsoša Moprofeta wa go swana le Nna.” Gomme kafao Lengwalo leo le ka se kgone go robja, O swanetše go tla bjalo ka Morwa wa motho. Bjale leo e be e le lebaka la Gagwe, ge A be a le mo lefaseng.

50 Kagona ge A hwile, a tsogile, o rotogile, le go romela morago Moya wo Mokgethwa, yoo e be e le Morwa wa Modimo. Modimo ke Moya, gomme go kgabola Lebaka la Kereke e be e le Morwa wa Modimo.

51 Gomme ka gona ka Miliniamo, ke Morwa wa Dafida, a dutše teroneng, a buša. O rotogetše godimo. “Yo a fenyago o tla dula le Nna godimo ga terone ya Ka, bjalo ka ge Ke fentše, le go dula fase godimo ga terone ya Tate.” O dutše godimo ga terone ya Tate bjale. Eupša ka Miliniamo, O dula godimo ga terone ya Gagwe Mong, gobane ke Yena Morwa wa Dafida.

52 Yena Ke Morwa wa motho, Morwa wa Modimo, Morwa wa Dafida. Le a bona, e no ba go phethagala.

53 Bjale re a hwetša, O ile a swanela go tla bjalo ka moprofeta. Go se fetoge ga Lentšu la Gagwe! Modimo ga a fetoge. Modimo ga a fetoge, gobane O be a le Moprofeta yo a bego a le ka go Josefa. O be a le Moprofeta, O be a le Modimo ka go Josefa. O be a le Modimo ka go Dafida.

54 Šetšang Josefa, o nno swantšha bophelo bja Kriste go nyakile go phethagala, eupša o dirile phošo, go laetša gore e be e se Yena. Motho o dira diphošo. Le a bona, o boditše Faraao, o rile. . . O boditše tatagwe, e bego e le moprofeta, Jakobo, o rile, “O botše Faraao gore—gore re bengmehlape, gobane modiši ke makgapa go Moegepeta.” Eupša tate, Moya ga se wa mo dumelela go e dira; o rile, “Bahlanka ba gago, badiši.” Kafao le a bona Josefa fao o dirile phošo.

55 Dafida, monna yo mogolo, o dirile phošo. Monna ka morago ga pelo ya Modimo Mong, efela o tšere Baatseba, a nagana o be a ka kgona go uta seo go tloga go yena Modimo yo a bego a mo direla, bophelo bjohle bja gagwe, eupša Modimo o mo senotše ka Nathane moprofeta. Le a bona?

56 Eupša efela lebelela Dafida ge a be a ile ka ntle, a šušutšwe go tloga go batho ba gagwe mong, kgoši ye e gannwego. Morwedi wa gagwe mong o ile a kgotlelwa ke ngwanabo, gomme banabo ba bangwe ba mmolaile. Gomme o be a le fa, Abesalomo o ile a tsoga

gomme a aroganya madira, a hlola rebolušene; gomme Dafida, tatagwe mong, a kgaolwa, a tlošwa, a ganwa ke batho ba gagwe. Ge a eya ka ntle ga toropokgolo, moisa yo monnyane moka a golofetše a gogoba go bapa kua, a dira metlae ka yena, gomme a mo tshwela ka mare. Mohlapetši yola o khwamotše tšhoša ya gagwe, a re, “Ke tla tlogela hlogo ya mpša yela e dutše godimo ga gagwe, o tshwela mare godimo ga kgoši ya ka?”

Dafida o rile, “Mo tlogele a nnoši. Modimo o mmoditše go dira seo.”

⁵⁷ Ga go pelaelo, Dafida o be a sa tsebe se a bego a se dira; o sepeletše godimo ga ya go swana Thaba ya Mehlware kua, le go lebelela fase, a lla, kgoši ye e gannwego. Moo, mengwaga ye makgolo a se makae morago ga fao, Jesu Kriste o dutše godimo ga thaba ya go swana, Morwa wa Dafida, a lla bjalo ka kgoši ye e gannwego, gomme ba tshwetše mare godimo ga Gagwe, le yena.

⁵⁸ Le a bona, dilo tšohle tše di be di no swantšha Kriste. O be a le karolo ya sona. Modimo ga a fetoge. Tlhago ya Gagwe ga e fetoge. Semelo sa Gagwe ga se fetoge. O sa le Lentšu, le a bona, gomme Maleaki 3:6 e netefatša seo. O no fetola sebopego sa Gagwe bakeng sa lebaka le lengwe le le lengwe. Lebaka le lengwe le le lengwe, O abile karolo ya Lentšu le le profetilwego le tla direga ka matšatšing a a itšego. Gabotse, ge lebaka leo le etla go bapa, Modimo o no sepelela ka go seemo se sengwe. Le a bona, ke Modimo nako yohle, Lentšu, “Lentšu le dirilwe nama le go dula magareng ga rena.”

⁵⁹ Bjale go Bahebere 4, re a hwetša, Bahebere 4:12. Jesu ka go phethagala o bonagaditšwe ka mediro ya Gagwe le se A se dirilego, gobane Bahebere 4:12 e bolela, gore, “Lentšu la Modimo le bogalegale go feta tšhoša ya magalemabedi. Gape Ke mohlathi wa dikgopolo le maikemišetšo a pelo.”

⁶⁰ Ke ka mokgwa woo Abraham, ge Monna yo a kopana le yena, ka lerole godimo ga diaparo tša Gagwe, gomme re a hwetša, ge Abraham a bone Monna yo, a Mmiletša thokwana.

⁶¹ Ba babedi ba bona ba ile tlase ka Sodoma; seswantšho se sebotse kudu sa letšatši le re phelago go lona, gomme re hwetša Billy Graham wa sebjalebja le bona ka Sodoma, ba ba tliša ntle.

⁶² Lebelelang kereke ye e kgethilwego, go le bjalo, peu ya kgonthe ya Abraham. Loto o be a le motlogolo, eupša Abraham. . . Monna yo ga se a tsoge a ya tlase, Yo a bego a bolela le Abraham. Gomme ge A be a bolela le Abraham, O rile, “Abraham.” Bjale elelwang, leina la gagwe e be e le *Abram*, matšatši a se makae pele ga fao, gomme mosadimogatša wa gagwe e be e le *Sarai*, e sego Sarah.

Gomme O rile, “Abraham, mosadimogatša wa gago o kae, Sarah?”

A re, “O ka tenteng, ka morago ga Gago.”

63 O rile, “Ke ya go go etala go ya ka nako ya bophelo.”

Gomme Sarah, ka pelong ya gagwe, o bile mohuta wa go sega.

64 “Gomme Monna, ka mokokotlo wa Gagwe o šotologetše tente,” Beibele e rile, “o rile, ‘Gobaneng Sarah a segile?’ ka tenteng ka morago ga Gagwe.”

65 Gomme Abraham o biditše Monna yola “Elohim.” *Elohim* ke “Yena mobagona ka boyena.”

66 Bjale lentšu la Seisimane *modimo* le ra eng kapa eng. Wona mantšu a Seisimane, le swanetše go e šetša, gobane a na le mehuta yohle ya dikgopolo tša go fapoga. Gomme modimo, teseke ye e ka ba modimo, mohlare o ka kgona go ba modimo, monna a ka kgona go ba modimo, eng kapa eng modimo, lentšu la Seisimane modimo le ra.

67 Eupša *Elohim* e ra “mobagona ka boyena.” Go ka kgona feela . . . Teseke ye ga se ya ba gona kaboyona. Motho ga a gona kaboyena. Mohlare ga o gona ka bowona. Eupša *Elohim* ke yena! Yena Mobagonakaboyena, a bonagatše ka nameng, a eme kua, a eja, a enwa maswi go tšwa kgomong, a eja nama, namane, a eja borotho, le go bolela le Abraham. Gomme Abraham o rile e be e le “*Elohim*.”

68 Gomme Jesu, ka go Mokgethwa Luka 17, o rile, “Bjalo ka ge go bile ka matšatšing a Sodoma, go tla ba bjalo ge ka go boeng, ge Morwa wa motho a tla dirwa go bonagala.” E sego Morwa wa Modimo, bjale; “Morwa wa motho o dirwa go bonagala!” “Ge A utollwa, a dirwa go tsebja go Kereke ya Gagwe, Morwa wa motho o tla utollwa feela pele ga Morwa wa tshepišo.”

69 Abraham o bone Modimo ka diboepo tše dintši tša go fapana, ka Seetšeng, le ka diponong; eupša mo go be go le Modimo ka go Monna, feela pele morwa yo a letetšwego le tshepišo a tšwelela.

70 Jesu o rile, “Pele Morwa wa tshepišo a boa gape, *Elohim* o tla dira Yenamong (Lentšu la Gagwe) go bonagala ka nameng, Modimo!”

“Bahlomphegi, re rata go bona Jesu!”

71 Modimo o bonagatšwa go swana ka go mabaka ohle, go bile ka mehla, O ikutile Yenamong ka gare ka morago ga nama ya motho. Ke Modimo ka go wena. “Lebakana le lennyane gomme lefase ga le sa Mpona gape, efela lena le tla Mpona. Ke tla ba le lena.” Ebile O ka go rena; O tla ba, go fihla bofelong, go fihla A utollwa ka go seboepo se se tšwago Legodimong.

72 Lentšu la Modimo la lebaka le, O tshepišitše lebaka le eng? Ge o ka lebelela ka Beibeleng le go bona se se tshepišitšwego lebaka le, gomme o bona Leo le phela ntle, ga ke tshwenyege

mang o re Le nepile goba phošo, Le nepile gobane Ke Modimo a hlatholla Lentšu la Gagwe Mong.

⁷³ Yena ga a hloke motho go re, “Gabotse, wona matšatši a fetile. Ga go selo se sebjalo bjalo ka phodišo Kgethwa. Gomme tšohle tšeo ke bohlangya.” Ke—ke phošo! Ge Modimo a re O tla e dira ka go lebaka le le itšego, O tla e dira. Eupša selo sa ntshe ke, re tsena ka go mokgwa wa kgale wa se sengwe moragorago, sekolo tsoko go tšwa moragorago, gomme re a Le foša.

⁷⁴ Ke lebaka leo ba fošitšego Jesu ge A tlile. Ba be ba sa leka go phela ka tlase ga Molao, mola Beibele e boletše ka go hlaka. . . Thwi mo, ke tla E bala, O rile, “Puruputšang Mangwalo, ka go Wona le nagana le na le Bophelo bjo Bosafelego, gomme Wona ke Wona a pakago ka Nna. Ge Mangwalo a sa pake ka Nna, gona ke phošo.” Ka nnete ba ka be ba kgonne go bona kgarebe e be e tla ima! Ka nnete O be a le karabo ya go phethagala go Mangwalo! Rena Bakriste re dumela seo bjale.

⁷⁵ Eupša ke botse bofe e ka bego e bo diretše Moshe go tla ka letšatši la Noage, molaetša wa Noage? Ke botse bofe e ka bego e bo diretše Johane Mokolobetši go tla ka molaetša wa Moshe? Le a bona?

⁷⁶ Ga re na le molaetša wa Sankey. Ga re na le molaetša wa Moody. Re na le Molaetša wa iri ye! Ga re na le molaetša wa Luther goba molaetša wa Wesley. E be e lokile, eupša le ke letšatši le lengwe. Ye ke tshepišo ye nngwe. Le ke lebaka la kereke le lengwe. “Jesu Kriste wa go swana maabane, lehono, le go ya go ile!” Go makatša bjang, ka fao batho ba ka fofalago, ka go lebaka, eupša go swanetše go ba ka tsela yeo. “Bolelo,” ka go lebaka le, Beibele e rile, “gomme ba tla tshwewa go tšwa molomong wa Gagwe,” ka go Lebaka le la Kereke ya Laodikia. “Eupša ba bantši ba A ba ratago, O a ba sola le go ba kgala.” O boletše go tla ba ka tsela ye ka go Lebaka le la Kereke ya Laodikia.

⁷⁷ Elelwang, Modimo o fetola sebopego sa Gagwe. *En morphe*, lentšu la Segerika le ra O apara maske wa go fapana. Boka ka go *Carmen* goba se sengwe, goba—goba dipapadi tša Shakespeare, O—O bjalo ka modiragatši, O fetola sebopego sa Gagwe. Tšohle tše bapofeta bale ba bego ba le, e be e le Modimo ka go bapofeta bale. Jesu o boletše bjalo, “Le ba bitša ‘badimo,’ ba Lentšu la Modimo le tlilego go bona: gomme Ke nna yo, Morwa wa Modimo, le Nkahlola bjang?” Oo, nna!

⁷⁸ Ke selo sa go swana lehono, ke Modimo a bonagaditšwe nameng, Molaetša wa iri, Seetša sa letšatši! Re ka se kgone go ba le yona melaetša ye mengwe morago kua, e šetše e phetšwe; re phela ka go seetša sa bofora.

⁷⁹ Ke sekoloto se segologolo, bohlakudi bjo bogologolo, ditšhaba di kilego tša bo tseba, bo dirilwe ke Engelane mo e sego botelele go fetile, bo dirilwe ka dietša tša maaka. Ditolaro tše

dimilione tše šupa, bohlakodi bja setimela, ga se bja ke bja tsebja pele, ka go histori. Seo e bile sekoloto se segolo, moswai go lebaka la ba babe ka lefaseng.

⁸⁰ Gomme moswai yo mogologolo wa ba babe ka go lebaka, ka go lefase le re kilego ra phela ka go lona, ke seetša sa maaka ka go iri ye yeo re phelago ka go yona, go leka go re bea morago ka fase ga mohuta tsoko wa thutotumelo le dilo. Ge, re diepistola tše di phelago, goba, ka mantšu a mangwe, re diepistola tše di phelago, tše di ngwadilwego gomme bjale di phela ntle Lentšu la Modimo, ka ge A tshepišitše ka go iri; Lentšu le le bonagaditšwego, diepistola tše di ngwadilwego, tše di bego di phela ntle. Seo ke se baapostola ba bego ba le.

⁸¹ Ke seo Johane Mokolobetši a bego a le sona. “O be a le segalontšu sa yo a bego a goeletša ka lešokeng.” O be a leka go ba botša seo. Gape o be a le Maleaki 3, “Bonang, Ke roma motseta wa Ka pele ga sefahlego sa ka, go lokiša tsela pele ga batho.” O be a le Lentšu lela la go phela.

⁸² Gomme kereke ya therešo ya go tswalagape ka go iri ye ke Lentšu la Modimo la go phela. Ke Lentšu la lebaka le, le dirwa go bonagala. Puruputšang Mangwalo gomme le bone se se swanetšego go ba ka go lebaka le. Fao ke Kriste a phela gape, go no fetola maseke wa Gagwe go tloga go o motee go ya go wo mongwe.

⁸³ Bjale, O tsebagaditšwe ka go tsenelela bjalo ka Mesia. Ba swanetše go be ba e tsebile. Re tseba se Mesia a bego a swanetše go ba sona. O be a swanetše go ba Moprofeta. Seo ke se Beibele e rilego O be a le. Seo ke se A rilego O be a le. “Nna Morwa wa motho, le re Nna Morwa wa motho ke Mang?” Ka mehla o itsebagaditše Yenamong bjalo ka Moprofeta lebaka, itsebagaditše Yenamong bjalo ka Moprofeta wa Modimo. Seo ke se A bego a le sona.

⁸⁴ Eupša O be a le go feta moprofeta. O be a le Modimo Moprofeta. Se Dafida a bego a le, se Moshe a bego a le, se Eliya a bego a le, se sohle sa sona se bego se le, “ka go Yena go dula botlalo bja Modimohlogo mmeleng.” O be a le Modimo Moprofeta. O be a le Modimo, Jehofa, o bile nama ka go Morwa wa Gagwe Mong, o itsošeditše tabarenekele Yenamong go iponagatša Yenamong ka go yona. Bohle ka moka ga bona ba šitilwe, ba bile le mašaedi; eupša ga go bošaedi ka go Yena. Ebile Modimo Yenamong o rile, “Yo ke Morwa moratwa wa Ka yo Ke kgahlwago ke go dula ka go yena.” Yeo ke nnete, ga go bošaedi ka go Yena. “Lena ekwang Yena!” O be a le Modimo yo a bonagaditšwego.

⁸⁵ Ba rile, “O itira Modimo Wenamong, goba go lekana le Modimo.” O be a le. O be a le Morwa wa Gagwe Mong. Amene. O be a . . . O be a le ponagalo ya Modimo. Modimo o be a le ka go Kriste, a boelanya lefase go Yenamong.

⁸⁶ Gomme ka go letšatši le la mafelelo, O bolela le batho ka Morwa wa Gagwe, Kriste Jesu, a itira go tsebja Yenamong. Gona Kriste ke eng? Lentšu. Lentšu la eng, lentšu la Moshe? Ee, eupša lehono ke Yena Lentšu le le bonagaditšwego bakeng sa letšatši le.

⁸⁷ Hlokomelang ka mo Jesu a bego a le. Bjale, O swanetše go ba Moprofeta, a re boneng ge A bile le leswao la Bomesia. A re yeng go Mokgethwa Johane, tema ya 1, bakeng sa ya go latela ye mehlano, metsotso ye lesome, pele re tswalela. Mokgethwa Johane 1, re Mmona a etla lefaseng. O tswetšwe ke kgarebe, feela se Beibele e se boletšego. O imilwe ka popelong ya kgarebe.

⁸⁸ E sego gore kgarebe e be e le modimogadi bjale, yena. Le re, “Go reng ka Maria?” O be a se a phethagala. O be a le mosadi, go ba mosadi go no swana le mosadi mang kapa mang yo mongwe, e sego modimogadi; mosadi. Yo mongwe o rile, “A ga o ne hlong go bolela seo?” Aowa, mohlomphegi!

⁸⁹ Šetša mo. O dirile phošo kae? Gobaneng, mo o dirile e tee. Ge ba ile tlase moketeng wa Pentecostal, gomme batho ba ile go bapa leeto la matšatši a mararo; gomme ba Mo timeditše, batswadi ba Gagwe, kafao ba boetše morago go Mo hwetša. Gomme ba Mo hweditše ka go Lengwalo, a Le phegišana le baprista ka tempeleng. Gomme šetša se Maria a se boletšego, thwi fao pele ga baprista bale, baswaswalatši bale. O rile, “tate wa Gago le nna re Go nyakile, ka megokgo.”

⁹⁰ Eupša Lentšu ka mehla le hlopholla phošo. O be a le Lentšu, Mošemane wa mengwaga ye lesomepedi bogolo. Bohlale bjo bo be bo etšwa kae?

⁹¹ Elelwang, thwi fale o ganne bopaki bja gagwe. O rile Modimo o be a le Tate wa Gagwe; gomme mo o rile, “Tate wa Gago le nna, Josefa, re Go nyakile, ka megokgo.”

⁹² O rile, “A ga o tsebe gore Ke swanetše go ba ka taba ya Tate wa Ka?” Le a bona? Le a bona? Ge A ka be a be a na le tate wa Gagwe, Josefa, Josefa a be a le tate wa Gagwe, A ka be a be a dira dikhapinete le mabati le dilo. Le a bona? Eupša O be a le ka taba ya Tate wa Gagwe, a hlopholla Lentšu bakeng sa letšatši leo. O be a le Lentšu. Amene. Le a bona, Maria o dirile phošo, eupša ga go diphošo tše A di dirilego. O be a le Yo a phethagetšego.

⁹³ Hlokomelang, ge A tswetšwe, a godišwa, a kolobetšwa ke Johane, Moya wo Mokgethwa o tlile godimo ga Gagwe, ka lešokeng, morago ntle, bodiredi bja Gagwe bo thomile, go fodiša. Go be go le monna wa go bitšwa Simone, gomme o tlile le ngwanabo, Andrea, kopanong.

⁹⁴ Bjale theetšang sekgauswi bjale, re ya go tswalela—tswalela, le go bona O be a le eng nako yela. Gomme ge “A boletše le botate ka baprofeta, ka matšatšing a a mafelelo ka Morwa wa Gagwe,” bonang feela se Modimo a lego sona lehono, bonang ge eba O tsebagašwa ka tsela ya go swana.

⁹⁵ O itsebagaditše bjang Yenamong? A O tlike fase le go re, “Bjale ke ile go kgabola sekolo. Ke na le Bachelor ya Bokgabo ya ka, Ph.D., LL., go ya pele. Ke komana bakeng sa bodiredi bja Ka?” Aowa, mohlomphegi. Ga se A e dira. O ile ka lešokeng, boka Johane a dirile, a tla ntle a tloiditšwe ka Moya wo Mokgethwa.

⁹⁶ Šetšang ka fao A itsebagaditšego Yenamong mohla A be a thoma go rera. Go be go le monna, Andrea, o be a theeditše Johane, o ile le Jesu go hwetša mo A bego a le gona, a Mo latela go theoga go ya kopanong; a tliša ngwanabo, Simone. Ka pejana ge Simone a sepeletše godimo ka go Bogona bja Jesu, Jesu o rile, “Leina la gago o Simone, gomme o Morwa wa Jona.” Seo se Mo tsebagaditše. Thwi fao leina la Petro le ile la fetolwa go tloga go Simone go ya go Petro, le lego “letlapa le lennyane,” gomme a ba hlogo ya kereke, moragorago.

⁹⁷ Nako yeo re bona moisa a eme fale, ka leina la Filipi, o rile, “Bjale emang motsotso, ga se re be le moprofeta lebaka la mengwaga ye makgolonne. Moprofeta wa go latela, re tseba se se tla bago.”

⁹⁸ Kafao nako yeo o ya go rarela dithaba, e ka ba dimaele tše lesometlhano, ge o tsoge wa ba kua go swaya lefelo, moo a hweditšego mogwera yo a bego a na le dithutwana tša Beibele mmogo. O be a le monna wa mmakgomatha, monna wa mekgwa ye mekaone. Leina la gagwe e be e le Nathaniele. Kafao ntle le pelaelo, ge a sepeletše godimo mojako gomme o hweditše gore o be a se thwi ntlong ya gagwe, e ka no ba e bile mosadimogatša wa gagwe yo a rilego, “O ntle ka go serapana sa gagwe sa mehlware, ntle kua o a rapela.”

⁹⁹ Kafao Filipi, ka mafolofolo ka seo a bonego se dirwa, tsebagatšo ya go phethagala ya Doiteronomio 18:15, Moprofeta o tsogile! Kafao o ile, a kopana le Nathaniele, le go re, “Nathaniele, tlaa, o bone Yo re mo hweditšego.” Ga se a ba le nako ya go ahlaahla boso le dilo. Molaetša e be e le wa tšhoganetšo. Pelo ya gagwe e be e e swa. Ke go gontši kudu le rena bjale, re na le dilo tše dingwe tše dintši kudu go dira ntle *Se*. Gomme selo sa mathomo le a tseba, o rile, “Tlaa, o bone Yo re mo hweditšego, Jesu wa Natsaretha, morwa wa Josefa.”

¹⁰⁰ A re šwahleleng ka go poledišano ya bona ge ba be ba sepela tikologong ya leši la lewatle. Ke kgona go kwa Filipi a re go Nathaniele, “O tseba radihlapi yola wa kgale tlase kua, o a tseba?”

¹⁰¹ “Oo, yo mo—mo—motee yo a hwilego mo e sego kgale go fetile, Jona?”

“Aowa, aowa. Morwa wa gagwe, Simone.”

¹⁰² “Ee, Ee. Oo, ke elelwa ke reka hlapi go tšwa go yena. Gabotse, go reng ka yena? Gabotse, ga a ne thuto ya go lekanela go saena leina la gagwe mong. Ga se a kgone go saena rasiti ya ka.” (Beibele e re o be a se ne tsebo le go se rutege, eupša ba

lemogile o be a ne Jesu; kafao re a hwetša o be a sa kgone ebile go saena rasiti.)

103 O rile, “Ya,” o rile, “o a tseba ke eng? Ge a etla thwi godimo ka bogoneng bja Monna yo, Monna a sa mo tsebe, o mmoditše leina la gagwe e be e le ‘Simone, morwa wa Jona.’” O rile, “A ga se Mesia? A ga se moprofeša? A yeo ga se Doiteronomio 18, Mangwalo a phethagatšwa? Kitimiša morago bophelo bja Gagwe; re phela letsatšing lefe? Re a phela, re šeditše Mesia yola a tlogo. Rena Baheberere bohle re a dira. A ga se yona?”

104 “Aa, bjale ema motsotso,” gwa bolela Nathaniele, “Ke tla swanela ke go hwetša ntle.”

“Gabotse, go ka se mmakatše ge A ka se go tsebe.”

105 “Huh-uh-uh, anke ke e bone. Anke ke ye go e tee ya dikopano gomme ke e bone e dirwa.”

106 Go lokile, o sepelela thwi godimo ka kopanong moo Jesu a emego. O rile, “Bonang Moisraele, yo ka go yena go sego bomenetša!”

O rile, “Rabi, O ntsebile neng?”

107 O rile, “Pele Filipi a go bitša, ge o be o le ka tlase ga mohlare, Ke go bone.” Yeo e bile yona. Yeo e bile yona.

108 Ke eng yeo? “Jesu Kriste wa go swana maabane, lehono, le go ya go ile.” Le a bona, O itsebagaditše Yenamong, Lentšu.

109 Mmadi yo o rileng? “Rabi, Wena o Morwa wa Modimo. Wena o Kgoši ya Israele.”

110 Eupša kua go be go eme ba bangwe ba bao kgauswi, ba bego ba sa dumele seo. Ba rile, “Monna yo ke Beletsebubu.”

111 Jesu o rile, “Ke le lebalela bakeng sa seo, go bitša Moya wa Modimo ‘selo sa go se hlweke,’” gobane poelano e be e se ya dirwa. “Eupša ge Moya wo Mokgethwa, Yena Moya wo Mokgethwa . . .” *Yena* ke lešala mong; ge, e sego kgopolo; Motho! “Ge Yena Moya wo Mokgethwa a etla go dira selo sa go swana, lentšu le tee kgahlanong le Wona le ka se tsoge le lebaletšwe.” Elelwang, O a swana maabane, lehono, le go ya go ile, Lentšu le le tsebagaditšwego le dirilwe nama. Ka gona re Mo hwetša kua, bjale, e be e le Bajuda.

112 Go na le merafe ye meraro feela ya batho. Re ka kgona go ba le dikgethologanyo tša rena le—le dimomaganyo, le eng kapa eng le nyakago go, ke . . . ga se kgahlego ya ka. Ke nna mohlanka wa Kriste, a direlago motho yohle. Eupša, theetšang, anke ke le botšeng. Lebelelang mo. Go be go le Mojuda, Montle, le Mosamaria.

113 Gomme šetšang Ebangedi, go bolela ka Petro ka dikgonyo. O e butše ka Letsatši la Pentecost, go Bajuda. Filipi o ile tlase le go kolobetsa Basamaria, le go lelekela bodiaboló ntle, Moya wo Mokgethwa o be o sešo wa tla godimo ga bona; Petro o

tlile tlase le go bea diatla godimo ga bona, ba amogetše Moya wo Mokgethwa. Gomme mo ntlong ya Koronelio, Bantle ba O amogetše.

¹¹⁴ Bjale, Bantle, rena Bantle, rena Anglo-Saxon, ebile re be re se ra lebelela Mesia; re be re le bahetene, ka marumo mokokotlong wa rena, re be re rapela medingwana. Eupša bobedi Mojuda le Mosamaria ba be ba lebeletše Mesia.

¹¹⁵ Gomme O tla feela go bao ba Mo lebeletšego. Beang seo ka monaganong go kgabola kopano ye, O tla kopana feela le bao ba ba Mo lebeletšego!

¹¹⁶ Mafelelong, ka gona O hloka . . . o be a eya Jeriko letšatši le lengwe, gomme A ba le tlhoko go feta ka Samaria, yeo ke godimo go dikologa dithaba. O fihlile fase go lefelo . . . Bjale, re Mmona a itsebagatša Yenamong bjalo ka Bomesia, a bontšha leswao la Bomesia bja Gagwe, gomme ba le roga, kafao O bile le tlhoko ya go feta Samaria. Ba be ba lebeletše Mesia, le bona. Kafao O tlile toropongkgolo ye e bitšwago Sikara, go bapa e ka ba iri ya lesomepedi.

¹¹⁷ Sediba, se sa le kua, ba no dula fase kgauswi le sona, feela ka ntle ga kgoro ya toropokgolo. Moo, pompi ya setšhaba, bohle ba tla go hwetša meetse a bona; ga se pompi, ba no e theoša ka lerala le go ga meetse ntle. Gomme ba ne tšona dikgamelo tše kgolo, ba sa e dira le lehono. Gomme bolela ka go thekgetše, ba bangwe ba lena basadi ba kgona go sepela ka dipuku godimo ga hlogo ya gago? O swanetše o bone ka fao bona basadi ba kgonago go bea kgamelo ya digalone tše tlhano godimo ga hlogo ya bona, le e tee godimo ga kgwele ye nngwe le ye nngwe; le go no sepela go bapa, go bolela, gomme ba thekgeleditše go phethagala feela.

¹¹⁸ Gomme go ya tlase, go bapa e ka ba iri ya lesometee mosegare, ge ba fihla kua tikologong ya sekgalela, gomme O romile barutiwa go ya ka toropongkgolo go reka diji.

¹¹⁹ Gomme go be go le mosadi ka toropongkgolo, wa tumo ye mpe, o be a sa dumelelwa go ba le basadi ka moka, kagona o tlile ntle go ya sedibeng go hwetša karolo ya gagwe ya meetse. Gomme ge a be le kgauswi le go theoša pitša ya meetse, o lebeletše, a dutše godimo go ipata le leboto, go Monna yo a boletšego le yena, a re, “Mosadi, Ntlišetše seno.”

¹²⁰ Bjale, ba be ba ne kgethologanyo ya thwi, Bajuda le—le Basamaria. Gomme o Mo dirile a tsebe, thwi ka pela, gore—gore e be e se setlwaedi go Monna wa mohuta wa Gagwe go kgopela mosadi wa gagwe, Mosamaria, molemo e ka ba ofe, gobane Bajuda le Basamaria ba be ba sa kwelane seng sa bona, ba be ba se ne dilo tša go swana. O rile, “Eupša ge nkabe o be o tsebile Yo o bego o bolela le yena, o be o tla Nkgopela seno, gomme Ke be ke tla go fa meetse o ka se tle mo go ga.”

¹²¹ O be A dira eng? Go golagana le moya wa mosadi. O be a le moprofeta. Gomme poledišano e be e le ge eba ba be ba swanetše

go rapela ka Jerusalema goba ka thabeng. O rile, “Tate o nyaka ba ba rapelago ka Moya le Therešo.”

122 Gomme O ile pele go fihla A hweditše se e bego e le bothata bja mosadi. O ile thwi fase go fihla A hweditše bothata bja gagwe. Bohle re tseba se bo bego bo le sona, ba ba balago Beibele, Mokgethwa Johane 4. Re hweditše eng? O be a ne bannabagatša ba bantši kudu. O rile, “Yaa o tšee monnamogatša wa gago gomme le tle mo.”

O rile, “Ga ke ne le ge e ka ba monnamogatša.”

O rile, “O boletše therešo, gobane o bile le ba bahlano.”

123 Lebelelang phapano go mosadi yo monnyane yola le baprista bale ka go letšatši lela. O rile, “Mohlomphegi, ke a bona gore O moprofeta. Bjale ga se re be le o tee lebaka la makgolonne a mengwaga. Ke a bona gore O moprofeta. Re a tseba ge Mesia a etla, se ke selo se A tla se dirago.” A ke nnete? “O tla re laetša dilo tše. O tla re botša se.”

O rile, “Ke nna Yena, yo a bolelago le wena.”

124 E no ba Monna wa mehleng a dutše fale, a no ba mengwaga ye masometharo bogolo; go molaleng a lebega masometlhano, gobane ba sa tšo bolela, ka go Mokgethwa Johane 6, “O Monna yo a sego ka godimo ga masometlhano bogolo, gomme O re o bone Abraham, bjale re a tseba O ne diabololo.”

Eupša O rile, “Pele ga ge Abraham a be a le, KE NNA.”

125 Gomme, ya, O be a le fao, feela moisa yo moswa, go molaleng a pudufala gannyane ka leledung la gagwe, mošomo wa Gagwe; mmele wa Gagwe wa motho o be o ohlegile, “go se botse bjo re bego re ka Mo kganyoga,” letlalo la kgoogo la kgale gape; eupša se se bego se le ka gare ga lona e be e le Shekinah, se se bego se le ka gare ga lona e be e le Modimo. Modimo! E be e le eng? O be a tsebagatšwa kua, Lentšu la Modimo, a tseba sephiri sa pelo ya bona. Le a bona, e be e le Lentšu la Modimo. O be a le Lentšu la Modimo.

126 Gomme Lentšu la Modimo le sa dira seo, gobane O a swana maabane, le hono, le go ya go ile. Le a e hwetša, le e hwetša ka go naganeng ga lena bjale? Hlokomelang, “wa go swana maabane, le hono, le go ya go ile.”

127 O kitimetše ka toropongkgolo, gomme a re, “Tlang, bonang Monna o mpoditše tše ke di dirilego. A Yo ga se yena Mesia?”

128 Ge leo e be ele leswao la Mesia, go Mojuda le go ba . . . le go mo—mo Mosamaria; gomme ga A hlomphe motho, wa swana maabane, le hono, le go ya go ile; gomme e be e le bofelo, ge Modimo a emišitše go šogana le Bajuda le Basamaria. Gomme bjo ke bofelo bja lebaka la Bantle, ge A tlile godimo ka bampshafatši le go ya pele, go fihla bofelong, le go tshepiša, “Bjalo ka ge go bile ka matšatšing a Abraham, kafao go tla ba bjalo ge Morwa

wa motho a utollwa go Bantle ka letšatši la mafelelo.” O tla boa gape.

¹²⁹ Bontši kudu bo ka boelwa mo, eupša anke ke hlaganele bjale gobane ke—ke iri ya senyane, feela morago ga nnyane. Re ya go tšwa ka senyane masometharo, Morena ge a rata.

¹³⁰ Hlokomelang, moprofeta o rile, godimo ka go Sakaria 14:6, “Go tla ba letšatši le le ka se bitšwego mosegare goba bošego, eupša e tla ba letšatši la leutu; eupša nakong ya mantšiboa, go tla ba Seetša.” Bjale šetšang, ka pela. Ga go Lengwalo le le ka kgonago go robja. Lohle le swanetše go phethagatšwa.

¹³¹ Bjale letšatši le hlaba bjang? Le hlaba kae? Ka Bohlabela. Le dikela kae? Ka Bodikela. Tlhabologo e sepetše le letšatši, gomme go bjalo le Ebangedi. Le a e hwetša? Bjale re thwi morago ka go Lebopo la Bodikela gape bjale. Ge re ka ya bokgolegole e ka ba bofe, re tla thwi morago Bohlabela gape, go kgabaganya thwi go dikologa Pacific go ya Bohlabela gape; ga go selo ka kua, le a bona. Bjale tlhabologo e sepetše le letšatši.

¹³² Ebangedi e kgabagantše meetse. E tllile go tšwa—go tšwa Mediterranean, gomme e kgabaganyeditše ka go, go tloga go Mokgethwa Paulo go ya Jeremane; go tloga Jeremane, e kgababantše kanala ya Maisimane, go ya Engelane; go tloga Engelane, e kgabagantše godimo ga Atlantic, go ya United States, gomme bjale e morago gape go Pacific.

¹³³ Šetšang, letšatši la go swana le le hlabago ka Bohlabela le letšatši le go swana le le dikelago ka Bodikela, l-e-t-š-a-t-š-i. Gomme Moya wo Mokgethwa wa go swana wo o welego ka Letšatši la Pentecost, ka Bohlabela. . . Bjale e bile letšatši le le sa kgonego go bitšwa mosegare, ke leutu, letšatši la leutu, la pula; le le bona mo ka Kansas, la pula, leutu. Re bile le seetša sa go lekanela go—go tšoena kereke, le go dira dilo tše, seetša sa go lekanela go ya tikologong ka gare, eupša O rile, “Nakong ya mantšiboa, go tla ba Seetša, Morwa o tla boa gape.” Gomme Moya wo Mokgethwa o boa ka go matšatši a a mafelelo ka botlalo bja maatla a Modimo gape, Lentšu le dirwa go bonagala! Ka Lutheran. . .

¹³⁴ Gomme feela boka phi—boka phi phiramiti e golela godimo. Lutheran, mpshafatšo ya mathomo; Wesley; Pentecost; gomme bjale e sesefalla thwi ka gare. Ka gore, ge Letlapahlogo le etla morago go phiramiti, le tla swanela go lekanela boka ka moka ga yona. Ebile o ka se kgone go sepediša bogale bja thipa gare ga yona, e phethagetše kudu. Gomme bodiredi bo tla ba bjalo ka matšatšing a mafelelo, bo tla batamelana kudu.

¹³⁵ Boka sa gago—gago seatla se le phosethife, gomme mo—mo morithi wa seatla sa gago o le nekethifi; ge di etla, morago ga lebakana, di ba setee. Di ba bjalo. Gomme yeo ke tsela ye Kereke e tlogo, Monyalwa o tla go Kriste, ba ba batee, boka monna e ka ba mang le mosadimogatša. Le a bona? O tla thwi go theogela

go matšatši a mafelelo, gomme re leka go phela ka go seetša sa bofora sa letšatši le lengwe? O a swana maabane, lehono, le go ya go ile, go Mo tsebagatša go phethagala le Bahebere 13:8, “Jesu Kriste wa go swana maabane, lehono, le go ya go ile.”

¹³⁶ Ge re ka be re phetše morago ka go lebaka la Luther, re lebela thwi morago mo ka go lela—ka go lebaka lela, re bona tlwa, ka go lebaka lela la Sarede, gore Luther e be e le motseta yola, feela tlwa, ka pere ye e ilego ntle, le ka moka ga yona e ile ntle ka go lebaka lela.

¹³⁷ Re hwetša lebaka la Wesleyan, lebaka la Filadelfia. Re hwetša lebaka le legolo lela la tsošetšo ye e ilego pele, lerato la boena, re hwetša Wesley tlwa ka go lefelo moo Beibele e rilego o be a le.

¹³⁸ Re a le hwetša lehono feela mo A rilego O be a le. Ke iri, nako ye re e phelago.

¹³⁹ Theetšang, Bagerika bale ba šitilwe ke go Mmona. Gobaneng? “Bahlomphegi, re rata go bona Jesu.” Ba šitilwe ke go Mmona gobane O be a apere tempele ya Gagwe ya motho, Modimo ka go motho. Nama ya motho e bile ye e ba fufaditšego. Ga se ba kgona go kwešiša. “Wena, o le motho, o itira Modimo Wenamong, goba go lekana le Modimo.”

¹⁴⁰ O rile, “Gabotse, ge le kgonne go ba bitša ka molao, gomme ga go Mangwalo ao a ka kgonago go robja, le ba bitša ‘badimo,’ ba be ba le, bao Lentšu la Modimo le tlilego go bona.”

¹⁴¹ Gona, ke Yena botlalo bja Lentšu lela, Lentšu le e bego e le la letšatši lela, Morwa wa Modimo, Molopolodi; ge Modimo, Yenamong, O tlile lefaseng gomme a dula ka go Monna, go tšeela lehu godimo ga Gagwemong, go lopolla ka moka, Mohlare wola go tšwa serapeng sa Edene, e sego mosadi; Monna, Adama wa bobedi yo a hwilego le go ya ka mobung, go tliša ntle sebagona sela, amene, wona matlakala ao a welego morago mošola, go a tliša pele ka tsogang. Ke bontši gakaakang go ka bolelwago ka seo, go ka re tšea diiri!

¹⁴² Eupša re mo go lefelo bjale. Bantle ba letšatši lela ba šitilwe go O bona, gobane O be a le ka go nama ya motho. Ke a makala ge eba re tla dira selo sa go swana. Ke a makala ge eba re tla dira phošo ya go nyamiša ye ba e dirilego, go šitwa go Mo tseba? Gobane, O be a le, Yena Lentšu la lebaka lela, o tsebagaditšwe ka go mmele wa motho. Mošemane yo a bego a se ne thuto, wo re sego ra tsoge ra Mo tseba a eya sekolong. Ga re ne ditshwanelego ebile O tšwa go mokgatlo e ka ba ofe wa letšatši leo; ga go thuto. Ga go botsebalegi bja selo, eupša, “Monna wa segafa, letagwa, mogwera wa badiredi, Monna wa go petula lefase ka godimo gwa ba ka fase; go tswalwa e le hlaba, mme wa Gagwe o imišitšwe ke lesole, gomme a tšea leina la Gagwe bjalo ka Morwa wa Modimo, goba a ipitša moprofeta Yenamong, Mogalelia yo, yo a bitšwago moprofeta.”

143 Eupša Lentšu le be le dirilwe go bonagala! “Ba bantši ba ba Mo amogetšego, go bona bao O ba file maatla go ba barwa ba Modimo.” Gomme go bjalo lehono, ge re bona Moya wo Mokgethwa wo mogolo wo o sepela le go dirwa go bonagala. “Ba bantši ba ba Mo amogelago, go bona O ba file maatla go ba barwa le barwedi ba Modimo.” Jesu Kriste a tsebagatšwa go swana, ka Lentšu la Gagwe, ka go moloko wo mongwe le wo mongwe.

A re inamišeng dihlogo tša rena.

144 Bagwera ba Bakriste, ke nyaka go le botšiša, a re nong go ema gomme re nagane nakwana feela. A le ke Therešo goba ke phošo? A ke yona? Ge e le Therešo, re kolota se sengwe le se sengwe go lona. Re ya kae? Boemo bja le ke kae? O ka ba le nnete bjang gore o lokile? Bjale, “mathomong, O be a le Lentšu,” gomme Lentšu le hlatha kgopolo ye e lego ka pelong. Le dirile ka baprofeta, le dirile ka Kriste, gomme O le tshepišitše ka matšatšing a mafelelo, gobane O a swana maabane, lehono, go ya go ile.

145 Tate wa Magodimong, tšea Lentšu la Gago, Le bee ka pelong ya motho, gore ba... batho bohle mmogo, bošegong bjo, sehlopha se sennyane se sa batho ntle mo. Re a lemoga, Morena, gore re—re phela ka merithing ya go Tla ga Gagwe, gomme merithi e ba phosethife kudu, ngwaga ka ngwaga. Re bona maswao a tšwelela, diponagalo tša go tšhoša. Re bona ka dikuranteng le ka go dikgatišobaka. Ngwedi o fetoga madi. Re kwa ditšhišinyego tša lefase gohle go dikologa lefase, di thuthupiša lefase ka moka.

146 Gomme, bjale, letšatši le lengwe e šišintše lefase ka moka, ge Morwa wa Modimo a be a ganwa semmušo le go bapolwa. Gomme bjale re hwetša gore sehlopha se segolo, se bitšwago Khansele ya Dikereke tša Lefase, ba Mo raketše ntle semmušo, boka ba boletše ka go (le) Lebaka la Laodikia, “O be a le ka ntle ga kereke, a kokota lebating, a leka go tla morago ka gare.” Bjale re a hwetša go bile tšhišinyego ye nngwe e rathilego se, e sego ditšhaba tše dingwe, setšhaba se, e šišintše lefase ka moka; Jesu o raketšwe ntle semmušo. Gomme O eme a kgopela, bošegong bjo, a tsebagaditšwe go tsenelela, wa go swana maabane, lehono, le go ya go ile.

147 Anke badumedi ba e bone. Anke bao ba babjago ba e bone, Morena. Anke bao mo bošegong bjo ba kgone go kgwatha seaparo sa Gawe, boka ba dirile matšatšing a go feta. Fodiša balwetši, le go phološa balahlegi, re kgopela ka go la Jesu Kriste Leina. Amene.

Modimo a le šegofatše.

148 Bjale nakwana e tee feela bakeng sa mothalo wa thapelo. Re na le tlwa metsotso ye lesometlhano, go tšwela ntle ka nako. Bjale tšohle nka kgonago go di bolela, ke nna motho, mantšu a ka a ka no kgona go šitwa boka motho e ka ba mang yo mongwe, rena bohle. Ke netefaditše go lena bošegong bjo, gore moprofeta yo

mongwe le yo mongwe, se sengwe le se sengwe gape, ba dirile diphošo tša bona. Eupša Modimo ga a dire diphošo. Lentšu la Gagwe ke Therešo. Ke ba bakae ba dumelago gore Yena ke Lentšu? [Phuthego e re, “Amene.”—Mor.] Modimo a le šegofatše. Ke moo tumelo ya ka e agilwego, e sego godimo ga selo ka fase ga Madi a Jesu; gomme, therešo, Jesu ke Lentšu.

149 Bjale ke a dumela Billy o rile. . . A o file ntle dikarata tša thapelo? A—a go ne dikarata tša thapelo di filwego ntle? Ke be ke sa tsebe. O—o rile, pele, gore ga se a nagana ba tlile godimo le go fa ntle e ka ba efe. Eupša ge ba file ntle dikarata tša thapelo, re tla kitimiša mothalo wo monnyane wa thapelo.

150 Yo mongwe, a go na le karata ya thapelo tee mo? A re boneng ke mang a nago le karata ya thapelo tee. Ee, o na le tee? Aowa. Karata ya thapelo nomoro tee, ke mang a nago le yona? A go ne karata ya thapelo tee? Gabotse, mohlomongwe ga se a fa ntle go tloga go tee. Ke ba bakae. . . Huh? [Yo mongwe o re, “Tee še.”—Mor.] Oo, a e fao? Ya. Go lokile, karata ya thapelo nomoro tee, tlaa godimo mo le go ema mo go nna, karata ya thapelo nomoro tee.

151 Nomoro pedi, ke mang a nago nomoro pedi? Nomoro tharo. Metsotso e se mekae feela bjale, re. . . Nomoro tharo, ke mang a nago nomoro ya thapelo tharo? Lebelelang, go na le motho mo godimo ga leako, yo mongwe šetša karata ya bona, ge ba ne e tee. Nomoro tharo. Nomoro nne, nne, ke mang a nago le karata ya thapelo nomoro nne?

152 Ke karata ye nnyane. Morwa wa ka goba yo mongwe wa sehlopha o tla tla tlase le go tšea dikarata tše, pele ga lena, le go di hlakanya tšohle, gomme morago ba di fa ntle go lena. Gomme kagona ga ke. . . Kagona go laetša. . . Re bile le batho nako ye nngwe ba leka go rekiša tšona dikarata tša thapelo, gomme ke lebaka leo di tsebagatšwa ka tsela yeo, gore o ka se kgone, o ka se kgone go di rekiša; gobane ga a kgone, ga o sa tsebe ke mang a tlogo godimo kua. Ge ke etla mo, ga ke thome go tšwa go nomoro e ka ba efe e itšego. Ke no thoma go tloga e ka ba kae kapa kae. Go kgabola beke ye, le tla hlokomela, ke tla fapakanya, morago le pele, le godimo le fase, hwetšang dikarata tše tša thapelo, le a bona. Gomme kafao ka tsela yeo re dira seo, go bolela gore yo mongwe le yo mongwe letšatši le lengwe le le lengwe, go fa dikarata ntle, gore batho letšatši le lengwe le le lengwe ba kgone go ba le sebaka go tla ka gare.

153 Tee, pedi, tharo, nne, tlhano. Ke tla ba bitša o tee ka nako, gobane ga ke nyake yo mongwe a le sefoa gomme ka gona ba re, “Gobaneng, ga go yo a mpoditšego,” le a bona, gomme ba lobile lefelo la bona ka go mothalo wa thapelo. Gomme go molaleng, ka karata ya thapelo, ba ka se ba fe ye nngwe, le a bona.

154 Karata ya thapelo nomoro tlhano, ke mang a nago le yona? Tee, pedi, tharo, nne, tlhano. Karata ya thapelo tlhano? Seo ka

moka se lokile. Ge o na le nnete o na le tlhano, ema godimo kua. Seo ka moka se lokile. Nomoro tshela? [Lefelo la go se be le selo godimo ga theipi—Mor.] Lesometee, karata ya thapelo lesometee. Tee, pedi, tharo, nne, tlhano, tshela, šupa, seswai, senyane, karata ya thapelo lesome, le lesometee.

¹⁵⁵ Lebelelang bjale, e ka no ba yo mongwe wa sefoa. Lebelela karata ya moagišani wa gago. Gohle go dikologa, ke a thanka di hlakane tšohle go kgabola mo. Go lokile. Ke ba bakae ka fao, Roy? Ba bale gomme o bone. Lesometee? Lesomepedi, lesometharo, lesomenne, lesometlhano. Tee, pedi, tharo, nne. . . Lesometlhano. Go lokile. A re emeng thwi fao motsotso feela, gobane ga re ne nako ye ntši kudu.

¹⁵⁶ Bjale ke ba bakae a se nago karata ya thapelo gomme o a dumela gore Modimo o tla go fodiša, phagamišetša seatla sa gago godimo. Modimo a go šegofatše. Ke nnete, baa le tumelo yela. Bjale elelwang, bagwera, ge ba sa ba komana bakeng sa mothalo wa thapelo, bjale, le se ke—le se ke—le se ke la sepela go dikologa bjale, feela seabakeng sa metsotso ya go latela ye lesome goba lesometlhano, go fihla re eba komana, gobane, le a bona, le moya.

¹⁵⁷ Ke nyaka go le kgopela se sengwe. Ke rile, le go bala go tšwa Lengwalong, gore O a swana maabane, lehono, le go ya go ile. Gomme lebakana feela, ga se ka thoma go e dira ga bjale, go le laetša gore O be a swanetše go hwetša selo se sa go swana gape ka go matšatši a mafelelo. Ke ba bakae ba dumelago seo? Maleaki 4 le yohle ya yona e swanetše go boa thwi morago gape, Yena gape go tla fase le go itsebagatša Yenamong ka go Molaetša wa seprofeto, go bušetša dipelo tša bana morago go Tumelo; ya boapostola, Tumelo ya pentecostal ya botate. Seo ke tlwa se swanetšego go dirwa. E sego thutotumelo tsoko; eupša morago go Tumelo ya setlogo. Bjale re dumela seo ka pelo yohle ya rena.

¹⁵⁸ Bjale ba bangwe ba lena fao ga ba ne karata ya thapelo. Bjale, elelwang, ke nna mohlanka wa Gagwe gomme o mohlanka wa Gagwe, Modimo ka go nna gomme Modimo ka go wena. O a hloka, gomme nna mo ke direla wena, go tliša tšeo mmogo le go se dira Modimo.

¹⁵⁹ Bjale, mosadi yo monnyane, nako ye nngwe. Anke ke le feng Lengwalo le lengwe, ke a dumela ke Mokgethwa Johane, le lona. Go be go le mosadi yo monnyane yoo, o be a, o bile le taba ya madi. A re reng o be a se ne karata ya thapelo, gomme o be a nyaka go rapelelwa. Eupša go be go le ba bantši kudu ba eme kua, o be a sa kgone go tsena ka mothalong. Kafao o rile, “Ge nka no kgona go kgwatha seaparo sa Gagwe, ke tla fodišwa.” Ke ba bakae ba elelwago kanegelo? Gobaneng, nnete. Gomme o dirile eng? O kgoromeditše go kgabola lešaba lela le go kgwatha seaparo sa Gagwe.

¹⁶⁰ Bjale, seaparo sa Mapalestina se lekelela go lokologa, gomme se na le seaparo sa ka fase, le sona, gobane lerole maotong, le a

tseba, kafao se . . . lekelela go lokolaga. Bjale o ka no kgwatha jase ya monna, gomme a ka se e kwe, feela morumo wa jase ya gagwe. Eupša go reng ka se segolo sela, se sekoto, seaparo se boima sa Mapalestina, se lekelela go theoga go rarela maoto a Gagwe, le a bona? Ga se A tsoge a kwa seo, ka mmele.

¹⁶¹ Eupša o kgwathile seaparo sa Gagwe gomme o ile morago ka lešabeng. A re re o dutše fase. A ka no ba a eme, eupša re re o dutše fase. Go diregile eng? Jesu a ema gomme a re, “Ke mang a Nkgwathilego?”

¹⁶² Gomme, le a tseba, Moapostola Petro o naganne gore e be e le nyefolu kudu, go fihla batho . . . Gobaneng, o Mo soletše yona. Ka mantšu a mangwe, a ka no ba a rile, “Gobaneng, lebelele, yo mongwe le yo mongwe o a Go kgwatha. Ba tla nagana se, ‘O na le phošo monaganong.’ O a bona? Gobaneng, yo mongwe le yo mongwe o leka go Go kgwatha, Rabi.”

¹⁶³ A re, “Eupša Ke a bona gore Ke bile go fokola. Bokwala,” ao ke maatla, “bo tšwele go Nna.”

¹⁶⁴ Mosadi yo motee yo monnyane yola bjale o ntšhitše maatla go tšwa go Yena. O lebeletše tikologong ka go batheeletši gomme A hwetša mo a bego a le gona, gomme O mmoditše bothata bja gagwe le se se diregilego. Beibele e boletše gore, “Yena bjale ke Moprasta yo Mogolo a kgonago go kgwathwa ke maikutlo a mafokodi a rena.” A ke nnete? Bjale ge le na le tumelo yeo ya go swana ka go Jesu wa go swana, e tla go direla selo sa go swana.

¹⁶⁵ Bjale eba le tlhomphekogolo ka kgonthe. Rapela. Se dikadike. Dumela ka pelo yohle ya gago gore Jesu Kriste o a swana maabane, lehono, le go ya go ile, gomme O tla go fa ditšhegofatšo tše.

¹⁶⁶ Bjale, Tate, dumelela Moya wo Mokgethwa wo mogolo wa Gago go utolla go rena Lentšu le le tsebagaditšwego nameng, nama ya bona le nama ya ka. Gomme a nke Lentšu le tshepišo ya Ebangedi ya bošegong bjo, yeo e rerilwego, e hlathollwe ke Moya wo Mokgethwa wo mogolo Yenamong, gobane O tshepišitše O tla ba le rena. Gomme O a swana maabane, lehono, le go ya go ile. Ka go la Jesu Kriste Leina, re ineela renabeng go Wena, le Molaetša, gore O tla tiišetša Lentšu ka maswao a go latela, bjalo ka ge O dirile go ya ka Mareka 16. Amene.

¹⁶⁷ Bjale yo mongwe le yo mongwe go hlompha ka kgonthe. Hle le se ke la šutha. Dulang go iketla ka kgonthe, le a bona. Bjale, elelwang, dinako tše dingwe re tlile ka thulanong. Ke ba bakae ba lego ka mo ba e lego Bakriste ba go tswalwa gape, a re boneng diatla tša lena. Gabotse, seo se kaone, gona le tseba se ke bolelago ka sona.

¹⁶⁸ Bjale, a yo ke, ke mohumagadi yo? Yo ke mohumagadi wa pele ka mothalong. Go lokile. Bjale, mohumagadi yo le nna, bokgole bjo ke tsebago, re basetsebane, seswantšho se sebotse kudu sa Mokgethwa Johane, tema ya 4. Jesu o kopane le mosadi sedibeng

sa Samaria, pogego ya se sengwe boka se, lekga la mathomo ba kilego ba kopana ka bophelong. Gomme bokgole bjo ke tsebago, le ke lekga la mathomo re kopana. Re basetsebane seng sa rena. Ge yeo e le nnete, feela bjalo gore batho ba bone gore ke therešo, e no phagamišetša seatla sa gago godimo. Kafafo le a bona, se ke rena, lekga la mathomo.

¹⁶⁹ Bjale ge A swana maabane, lehono, le go ya go ile, bjale go bolela le mosadi, ka tsela ye A dirilego mosadi sedibeng, o tla hwetša se sengwe se a se dirilego, goba se sengwe se fošagetšego ka yena, goba se sengwe ka . . . se sengwe ke sa tsebego selo ka sona, gomme o tla se utolla go yena. E lego, ga se nke ka ke ka mmona, ke no . . . lekga la mathomo nkilego ka ba ka go toropokgolo ye. Gomme ke no ba mo, ke mosetsebje. Bjale a seo se tla dira Jesu Kriste wa go swana maabane, lehono, le go ya go ile? A seo se tla dira Lentšu mohlathi wa dikgopolo tše di lego ka pelong? Le a bona? Le a bona? Se tla Mo dira wa go swana maabane . . .

¹⁷⁰ Gomme diatla tša ka šedi, le Beibele ya ka, ga se nke ka tsoge ka bona mosadi ka bophelong bja ka. Modimo o tseba seo. O no ba mosadi o eme mola. Ga ke—ke tsebe kudu ka yena go feta mosetsebje wa renkerenke a lego gona ka mo, go yena. Yeo ke therešo, gomme o tseba seo.

¹⁷¹ Ga ke mo tsebe; eupša O a dira. Gomme Yena ke Lentšu, gomme Lentšu le utolla sephiri sa pelo, le bolela dilo, diphošo, le mmošša se sengwe. Ge a dirile e ka ba eng sa phošo, a se a ipolela ka fase ga Madi, O tla mmošša ka sona. Ge a le moitiramodumedi, O tla mmošša ka yona. Ge a le modumedi, O tla mmošša ka yona. Ge go na le e ka ba eng ya phošo mmeleng, a mmošša ka yona. Ge a le se sengwe bakeng sa se sengwe gape, O tla mmošša ka sona. A ka kgona go dira seo sohle, gobane Yena ke Modimo. O tseba dilo tšohle. Ga ke tsebe; ga a ntsebe le nna ga ke mo tsebe. Bjale ge a utolla seo ka tsela yeo, le a tseba e sa le Lentšu, Bahebere 4:12, “Lentšu la Modimo le utolla diphiri tše di lego ka pelong, le tseba seemo.”

¹⁷² Bjale ge Modimo a tla—tla utolla se go rena bošegong bjo, kgaetšedi, bjalo ka ge wena le nna re eme mmogo mo, gona o tla—o tla tseba e ka se kgone go ba nna. E swanetše go ba Yena. Bjale ke no nyaka go bolela le wena motsotso, gobane go bolela ka go Lentšu ka mokgwa wo. Gobaneng, ke a rera, le a bona, gomme ka gona ke tla morago, ke no bolela le wena boka A dirile mosadi sedibeng, a tšwelapele ka poledišano le yena go fihla A hweditše se e bego e le bothata bja gagwe. Bjale ge Modimo a tla nkutollela se e lego bothata bja gago, gabotse, o tla tseba ge eba ke therešo goba aowa.

¹⁷³ Gomme a lena bohle le tla dumela? A go na le yo mongwe ntle fao a tsebago mosadi? Phagamišetša seatla sa gago godimo ge go na le motho e ka ba mang. . . Oo, ee, batho ba bantši ba a mo tseba. Ya. Go lokile.

174 Bjale a nke Morena Jesu a fe se, le a bona. Leo e ka se be feela Lentšu le le rerilwego, e tla ba Lentšu le dirilwe nama, le bolela ntle, le utolla. Bjale Beibele ga e bolele gore o tla be o eme mo, le se e lego phošo ka wena, le sohle ka sona, le se o lego mo ka sona, goba se o se dirilego. Ga e bolele seo. Eupša Lentšu le tla fase, leo le tsebagatša seboledi, le a bona, gore Lentšu la Modimo; gona Molaetša ke therešo, gona Modimo o tsebagatša Molaetša go ba Therešo. Kolobetšo ya Moya wo Mokgethwa le Ebangedi ya go tla e swanetše go ba Therešo gona, ge e tsebagaditšwe gabotse.

175 Selo se tee, o tšhogile gohle, go tšhoga ka kgonthe. O nyamile ka se sengwe. Yeo ke nnete. O a tshwenyega. O bile le se nako ye e itšego. Gomme se e lego sona, ke seemo sa leoto la gago. Ke go leoto le letona la gago. O a boifa gore ke kankere. E go tshwenya gohlegohle. Lehlakore le letona lela le tšwele go felela. O tshwenyega ka mogodung wa gago, o go dira o babje. Ge e le therešo, phagamišetša seatla sa gago godimo. Se boife, e no dumela gomme O tla go fodiša. A o a e dumela? [Kgaetšedi o re, “Amene.”—Mor.] Go lokile, yaa o leboge Modimo ka yona, gomme o fole. Morena a go šegofatše. Ke no nyaka go bea diatla godimo ga gago.

176 A le a dumela O a swana maabane, lehono, le go ya go ile? [Phuthego e re, “Amene.”—Mor.]

177 Bjale seswantšho sese gape, monna yo mošweu, mosadi wa lekhallate. Jesu Mojuda, yena Mosamaria; le a bona, O ba dirile ba tsebe ga go phapano ka go morafe wa batho. Modimo o hwetše rena bohle. Yeo ke nnete. Yena o . . . “Modimo o dirile ka madi a tee, ditšhaba tšohle.” Naga ye re godišeditšwego ka go yona, e fetošitšego mmala wa rena, ga e ne selo go dira le se se lego ka gare ga rena. Ya, ke nnete.

178 Bjale o Mokriste. Ka pela ke kgona go kwa maikutlo a go amogela, gore o Mokriste. Woo ke moya wa gago. Go tla no ba boka A rile, “Bonang MoIsraele, ka go yena ga go bomenetša.”

179 Bjale, ke a bona o be o babja kudu. Tlhahlobo e netefaditše gore o ne kankere. Yeo ke nnete. Gomme kankere yela, a o a dumela A ka mpotša mo e lego? Go ya ka dipalopalo, kankere yeo e ka go karolo ya lela le legolo. Ge seo e le therešo, emišetša seatla sa gago godimo. Bjale o a tseba gore Sengwe se eme mo se se go tsebago. A o a dumela gore O tla go fodiša? Ge tumelo ya gago e ka kgona go Mo gogela kua, go kgwatha seaparo sa Gagwe le go utolla selo sa go swana A se dirilego nako yela, gona yaa o Mo dumele gona o tla fola yeo, gomme wa fola. Ge o ka e dumela, e no dumela, bonolo bjoo feela, kgaetšedi, go no dumela. Se belaele.

180 Ke a dumela gore re basetsebane, le rena, seng sa rena? Ga re tsebane seng. Modimo o tseba bobedi bja rena. A o a dumela gore Modimo a ka kgona go nkutollela bothata bja gago? A o a

dumela A ka kgona go nkutollela bothata le ge e ka ba bja mang ntle kua? O a e dumela?

¹⁸¹ Ke ba bakae ntle fao ba e dumelago? [Phuthego e re, "Amene."—Mor.]

¹⁸² O nagana eng ka yona? A o dumela ka pelo ya gago yohle? Gona matlapa a sabohloko sa gago a ka se sa go tshwenya. Ke—ke e kwele e etla, ke "be ke bala monagano wa motho," ke be ke no nyaka o bone ke be ke sa e dire.

¹⁸³ Go lokile, a o ntumela go ba mohlanka wa Gagwe? [Kgaetšedi o re, "Ke a dumela."—Mor.] Ka pelo ya gago yohle? ["Ka pelo ya ka yohle."] Ke a go leboga. O Mokriste. ["Ke nna yena."] Ee, o yena, e sego mkgopelalifiti; Mokriste wa kgonthe, gomme o tswetšwe gape. Go lokile. O a dumela gore—gore nna, ke le ngwaneno, ga ke tsebe selo ka wena; eupša Tate wa rena wa Magodimong, Yo a re tsebago bobedi, a ka kgona go nkutollela se bothata bja gago bo lego sona? ["Ke a dira."]

¹⁸⁴ Ke a bona gore o bile le bontši bja yona. O bile le karo, gomme karo e bile ya kankere. O tlošitše letswele, ke nnete, gomme o sa ntše o tshwenyega ka yona. O a dumela o ya go fola go tloga bjale go ya pele? Feta thwi mo, o dumele ka pelo ya gago yohle. Gomme Modimo a go šegofatše, anke Morena Modimo a go fodiše. Anke . . .

¹⁸⁵ Baa le tumelo. Se belaele. E no dumela ka pelo yohle ya gago gore O a swana maabane, lehono, le go ya go ile.

¹⁸⁶ Bjale a o a dumela, mohumagadi? Re basetsebane seng sa rena. Ga ke go tsebe. Ga o ntsebe. Re basetsebane ba go felela. Eupša Tate wa Magodimong o tla nkutollela se sengwe se fošagetše, se sengwe o se dirilego, se sengwe se o bego o se wa swanela go se dira, goba o bego o swanetše go se dira gomme ga se wa dira, eng kapa eng e lego, eng kapa eng e bago, o tla dumela gore O a swana maabane, lehono, le go ya go ile. O a tseba e tla swanela go ba Yena a tla e dirago. A ke nnete?

¹⁸⁷ O tshwenywa ke se—se—se sehloga, gomme sehloga seo se godimo ga hlogo. O tšhogile. Nnete. O a dumela se tla tloga bjale, gore Jesu Kriste o tla go fodiša? Bjalo ka ge o e dumetše, go tla ba bjalo go wena. Yaa o dumela. Amene. Modimo a go šegofatše. Feela tseleng ya gago, dumela. Se, se belaele. E no dumela ka pelo ya gago yohle.

Baa le tumelo. O se belaele. E no dumela ka pelo ya gago yohle.

¹⁸⁸ Mogodu wa gago o be o go tshwenya. Bothata bja mogodu. O nyaka go ya go ja? Dumela. Yeo ke yona.

¹⁸⁹ O dira bjang? Re basetsebane seng sa rena. Ga ke go tsebe, ga o ntsebe. Eupša go na le yo Mongwe mo, a sa bonwego, eupša o širilwe gare ga rena, yo a tsebago se bothata bja gago e lego sona. Ke go bona o leka . . . Ya, ke atheraithese. A o a dumela O tla go

fodiša yeo? [Kgaetšedi o re, “Ee.”—Mor.] Yaa, e dumele, gomme o ka se tsoge wa golofatšwa ke yona ge o ka no e dumela.

¹⁹⁰ O na le dilo tše dintši tše di go tshwentšego. Bothata bja bahumagadi, nako e telele; ka gona, selo se sengwe, sa gago—sa gago selo se segolo o nago le kgahlego ya go fodišwa, ke atheraithese, le wena. A o a dumela gore O tla go fodiša? Sepele, e dumele. Yeo e no ba yohle ya yona, e no ba le tumelo gomme o se belaele.

¹⁹¹ Ke nna mosetsebjje go wena. Ga se nke ka tsoge ka go bona ka bophelong bja ka. Go ne mosadi yo mongwe o tšwelapele a tšwelela. Ge Modimo a ka nkutollela se sengwe ka wena . . . Ya, ya, ke sešo; o lebane le karo. Mosadi yo monnyane yola a robetšego ka setulong sela o lebane le selo sa go swana, ke sešo. O dumela ka pelo ya gago yohle? O a dira? Modimo o tla fodiša bobedi bja lena ge le e dumela. Bea seatla sa gago godimo ga gagwe. Yeo ke yona. Leineng la Morena Jesu, Leineng la Morena Jesu, anke o fodišwe, kgaetšedi.

¹⁹² Le a bona, o, ga ke kgone go hlaloša seo, bagwera, le se nkgopele go dira. Kgatelelo, maatla, tee. . . Sešo ke eng? Ke sehloga. Sehloga ke eng? Go ata ga disele. Wena o eng? Go ata ga disele. Sešo ke eng? Ka Beibeleng, se bitšwa diabololo, mohloriši; le mmona a goelesa bakeng sa thušo, gomme seo se arabile morago. Le a bona, bobedi go no swana, gomme seo—seo ke se se e dirilego. Go lokile.

¹⁹³ Etlela, mohumagadi. Re basetsebane seng sa rena. O bile le seemo sa letšhogo nako ye telele, se se go hloletšego seemo sa mogodu, bothata bja mogodu, alesa ya mogodu, go galaka ka mogodung wa gago, le go šia ga meno, le go ya pele. A o a dumela gore Jesu Kriste o tla go fodiša bjale? [Kgaetšedi o re, “Amene.”—Mor.] Go lokile, gona yaa o je selalelo sa gago. Dumela ka pelo yohle ya gago, Jesu Kriste o tla go fodiša. E no dumela bjale. [“Halleluya! Ke a go leboga, Jesu.”]

¹⁹⁴ Re basetsebane seng sa rena. Modimo o dula kae ka go motho? Ka pelong. Moo ke mo bothata bja gago bo lego, ke ka pelong ya gago, e sego ka baka la go hloka Modimo. Eupša ka go tlemolla tumelo ya gago, go fodiša bothata bjola bja pelo, gomme o tla fola. Sepela, o dumela, dumela ka pelo ya gago yohle. Bjale, se belaele. Sepela, o dumela.

¹⁹⁵ “Ge o ka kgona go dumela, dilo tšohle di a kgonega.” Ke ba bakae ba dumelago ka pelo ya lena yohle? [Phuthego e re, “Amene.”—Mor.] A le dumela gore Modimo o mo go le fodiša? A le . . . A Lentšu le dirilwe nama? [“Amene.”] Ke eng? Bjale, ga go kgathale ke dumela gakaakang, le swanetše go dumela, le lena. Le a bona, mosadi yola o kgwathile seaparo sa Gagwe, o dumetše.

¹⁹⁶ Monna šo o dutše godimo mo o ntebeletše. O na le go tsupoga ga letlalo le diphale. A o a dumela Modimo o tla go fodiša? Ge o e dira, o ka kgona go hwetša se o se kgopetšego.

¹⁹⁷ Yo mongwe gape ka mo yo a dumelago gore Modimo o fodiša balwetši le basotlegi? A le a dumela gore Lentšu, bošegong bjo, le tseba sephiri sa pelo? A le dumela seo? Go lokile. Bjale ke gore bjale re thari ka kgontho go tšwa go se re bego re le.

¹⁹⁸ Le ka dumela se bjang? Bjale le tseba Lengwalo le dirilwe go ba pepeneneng, se dumelele seširo sa nama bjale go go tshwenya, o a bona. Elelwang, ke Lentšu le le tshepišitšwego la lehono. Ke ba bakae ba e kwešišago? Lentšu le le tshepišitšwego. Ga ke tsebe le bone kekišo ye kae. Eupša, kafao nthušeng, Jesu Kriste o tshepišitše se, gomme se ke therešo. Le a bona, yeo, yeo ke therešo.

¹⁹⁹ Bjale gape O boletše, mantšu a mafelelo A a boletšego pele A be a ka tlogela lefase, a rotogela godimo ka Legodimong, o rile, “Yang ka lefaseng lohle,” Mareka 16, “rerang Ebangedi. Yo a dumelago gomme a kolobetšwa o tla phološwa; yo a sa dumelelo o tla ahlolwa. Maswao a a tla latela bona ba ba dumelago”? A le kile la e bala? Thomo ya mafelelo e bile eng? “Ge ba bea diatla tša bona godimo ga balwetši, ba tla welwa ke maruru.” Ke ba bakae ba tsebago seo go ba therešo? [Phuthego e re, “Amene.”—Mor.]

²⁰⁰ Bjale yo mongwe le yo mongwe wa lena, metsotso e se mekae ya go feta, o phagamišitše seatla sa gago gore o be o le modumedi. Bjale a le ka se no beana diatla godimo seng sa lena fao? Ga ra swanela go tšwelapele; le a tseba O mo, gobaneng le sa no beana diatla godimo seng sa lena le go rapelela motho yoo a dutšego hleng le wena, ge o le modumedi. Bjale, O boletše! Bjale, aowa, ga se nna ke nnoši; ke wena, yo mongwe le yo mongwe wa lena. A le a e dumela bjale? E reng, “Amene.” [Phuthego e re, “Amene.”—Mor.] Go lokile.

²⁰¹ Bjale, lebelelang, se ithapelele wenamong, gobane motho yo a beilego diatla tša bona godimo ga gago o a go rapelela. Le a bona, ba rapelele, gomme ke ya go le rapelela bohle. Gomme ge le ka no e dumela, ka mmero o tee, ye e tla ba ye nngwe ya dinako tše kgolokgolo le kilego la di bona.

²⁰² Bogona bja Jesu Kriste, bjo bo swanetšego go kgantšha kereke, go tseba gore ka go matšatši a a mafelelo moo dithutotumelo le dikereke tša maina le diism le se sengwe le se sengwe di bile le—le Lentšu le betetšwe, gomme Jesu Lentšu ka ntle ga kereke, gomme le Mmona a etla thwi morago magareng ga batho a itsebagatša Yenamong bjalo ka ge A tshepišitše, “ka matšatšing a mafelelo ge Morwa wa motho a utollwa.” O utollotšwe ka kolobetšong; O utollotšwe ka go phodišo Kgethwa; šo Yena ka go tholanakgopolo ya Gagwe ya mafelelo. Elelwang, seo e bile selo sa mafelelo se Abraham a se bonego pele mollo o be o ka wa le go ahlola lefase la Bantle, le pele morwa wa tshepišo a

etla tiragalong, Isaka. Se ke selo sa mafelelo kereke ya Bokriste e tla se bonago, ka go leswao la mohlolo, go fihla go tšweleleng ga Jesu Kriste. Ge Modimo a mphile tšhetšo pele ga lena, ntumeleng Leineng la Morena, ga go selo gape se šetšego ka Beibeleng go dira eupša go tšea leswao la sebata; gomme le na le Leswao la Modimo.

²⁰³ Rapelela motho yola a robetšego fao, a dutšego kgauswi le wena. Bea seatla sa gago godimo ga bona. Ke—ke be ke lebeletše digole; ga ke bone le o tee. Eupša koloyana yela, ke a dumela, o šetše a bile, oo . . . Go lokile, beanang diatla godimo seng sa lena gomme le rapele.

²⁰⁴ Morategi Jesu, Morwa wa Modimo wa go phela yo mogolo le bothakga, Yo a lego mo bošegong bjo ka sebopego sa Moya wo Mokgethwa, o fetotše sebopego sa Gagwe gomme o tlile fase le go utolla Lentšu la Gagwe thwi ka go nama ya motho; monna, basadi, ba mafapa ohle a bophelo, a laetša gore O sa phela. O a swana maabane, le hono, le go ya go ile.

²⁰⁵ Morena Jesu, re mo ka go toropokgolo ye kgolo ye ya Topeka, re mo re kgobokane le bana ba Gago. Gomme re a rapela, gore bjalo ka ge O tsebagaditšwe bjalo magareng ga rena, gore bjale O tla tiišetša Lentšu la Gago, thomo ya mafelelo, e rego, “Ba tla bea diatla godimo ga balwetši, ba tla welwa ke maruru.” Gomme batho, baipoledi, le go tswalwa gape ka Moya, bjale ba beile diatla tša bona godimo ga bona seng, go itsebagatša bona seng sa bona, le thomo ya Gago le Lentšu la Gago.

²⁰⁶ Bjale, Sathane, o ka se kgone go swara batho ba ba go babja botelele e ka ba bofe. Ke balatedi ba Lentšu la Modimo. Tšwela ka ntle ga bona, bolwetši bjo bo lego ka mmeleng wa bona. O se sa ba hloriga. Ba tlogele ba lokologe, go tloga bošegong bjo go ya pele. Rena, bjalo ka bahlanka ba Modimo, ba ba tsebagaditšwego go tiišetša Lentšu, re go raka Leineng la Modimo wa go phela, Jesu Kriste Lentšu le le dirilwego nama magareng ga rena, tšwela ka ntle ga batho ba ba go babja, gomme ba lese ba tloge, bakeng sa Mmušo wa Modimo, le taelo ye re e filwego ke Jesu Kriste Morwa wa Modimo. Amene.

²⁰⁷ Bohle ba ba dumelago le go amogela phodišo ya Gago, ntle le morithi o tee wa pelaelo, mo ka gare ga seširo sa Letago la Shekinah, go bona Lentšu le le tšhepišitšwego le re tla tsenago ka go lona bogologolo beke ye, go Le bona le bonagatšwa thwi mo pele ga rena, a re emeng ka dinao tša rena le go re, “Bjale ke amogela phodišo ya ka. Ke a dumela gore Jesu Kriste bjale o a mphodiša. Ka pelo ya ka yohle, ke a e dumela. Ke a e amogela, Leineng la Jesu Kriste.” Modimo a le šegofatše. Phagamišang diatla tša lena bjale. Gomme yo mongwe le yo mongwe wa lena, ka tsela ya gago mong, Mo fe ditebogo bakeng sa go go fodiša. Amene.



KRISTE WA GO TSEBAGATŠWA WA MABAKA OHLE NST64-0617
(The Identified Christ Of All Ages)

Molaetša wo ka Ngwanešu William Marrion Branham, mathomong o abilwe ka Seisimane ka Laboraro mantšiboa, June 17, 1964, Municipal Auditorium ka Topeka, Kansas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org